

*სსიპ საქართველოს სტანდარტებისა და მეტროლოგიის ეროვნული სააგენტო*



საქართველოს  
სტანდარტები  
და მეტროლოგია

**დაცვის მომსახურების შესყიდვის**

**სატენდერო დოკუმენტაცია**

**CPV 79713000**

დაფინანსების წყარო: 2017 წლის საკუთარი შემოსავლები.

შესყიდვის ობიექტის სავარაუდო ღირებულება: 21 000 (ოცდაერთი ათასი) ლარი

*ქ. თბილისი - 2016 წელი*

## 1. ტექნიკური მოთხოვნები

1.1 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები:

1.1.1. ფასების ცხრილი დანართი №1-ის შესაბამისად.

1.1.2. რეკვიზიტები დანართი №2-ის შესაბამისად;

1.1.3. დაცვითი საქმიანობის ლიცენზია.

1.1.4. ინფორმაცია პრეტენდენტის ანალოგიური საქმიანობის მინიმუმ 2 წლიანი (2015-2016) გამოცდილების შესახებ დანართი № 3-ის შესაბამისად;

1.1.5. არანაკლებ ორი სარეკომენდაციო წერილი იმ შემსყიდველი ორგანიზაციებიდან, რომელთაც პრეტენდენტი უწევდა ანალოგიურ მომსახურებას უკანასკნელი 2 (ორი) წლის (2015-2016 ) განმავლობაში;

შენიშვნა: სავალდებულოა სისტემაში ატვირთული ნებისმიერი დოკუმენტი ხელმოწერილი და ბეჭედდასმული (ბეჭდის არსებობის შემთხვევაში) იყოს პრეტენდენტის შესაბამისად უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.2 სახელმწიფო შესყიდვების ერთიან ელექტრონული სისტემაში სატენდერო წინადადების წარდგენით პრეტენდენტი ავტომატურად გამოხატავს თანხმობას სატენდერო დოკუმენტაციით განსაზღვრულ მოთხოვნებზე.

ა) ანგარიშსწორებისათვის მიმწოდებელი ვალდებულია მიაწოდოს შემსყიდველს შესაბამისი დოკუმენტაცია. ანგარიშსწორება განხორციელდება ყოველთვიურად, ანგარიშგაქტურის წარმოდგენიდან და მიღება-ჩაბარების აქტის ხელმოწერიდან 10 სამუშაო დღის განმავლობაში; ანგარიშსწორება მოხდება უნაღდო ანგარიშსწორებით ლარში. ხელშეკრულების საერთო ღირებულება გადანაწილდება 12 თვეზე, შესაბამისი პროპორციით.

ბ) წინასწარი გადახდის მექანიზმი არ გამოიყენება;

გ) სატენდერო წინადადება უნდა მოქმედებდეს მისი სისტემაში ატვირთვის დღიდან „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ ეტაპების დადგომამდე;

დ) ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული შესყიდვის ობიექტის სავარაუდო 1 (ერთი) %-ის ოდენობით, რომლის მოქმედების ვადა განისაზღვრება:

- ელექტრონული გარანტიების რეესტრის მეშვეობით გაცემული ელექტრონული გარანტიისათვის არანაკლებ 120 (ასოცი) კალენდარული დღით, ტენდერისათვის სტატუსის – „წინადადებების მიღება დაწყებულია“ მინიჭების ეტაპიდან;
- იმ შემთხვევაში, თუ ელექტრონული გარანტია წარდგენილია საბანკო პლასტიკური

ბარათიდან სააგენტოს ანგარიშზე თანხის გადარიცხვის გზით შესაბამისი ტენდერისთვის საბოლოო სტატუსის მინიჭებამდე.

ე) სატენდერო წინადადებაში საერთო და ერთეულის ფასი გამოსახული უნდა იყოს ყველა ხარჯისა და საქართველოს კანონმდებლობით დაწესებული გადასახადის გათვალისწინებით;

ვ) პრეტენდენტს არა აქვს უფლება წარმოადგინოს ალტერნატიული წინადადება.

ზ) იმ შემთხვევაში თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალი იქნება შესყიდვის ობიექტის სავარაუდო ღირებულებაზე, პრეტენდენტმა შემსყიდველი ორგანიზაციის წერილობითი მოთხოვნის შემდეგ, შემსყიდველის მიერ განსაზღვრულ ვადაში უნდა წარმოადგინოს/ატვირთოს ფასწარმოქმნის ადეკვატურობის დასაბუთება. ფასწარმოქმნის ადეკვატურობა, შესაძლებელია დასაბუთდეს შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, მიღება- ჩაბარების აქტით ან/და ანგარიშშეაქტურით.

## 2. ტექნიკური დავალება

2.1 შესყიდვის ობიექტია ქალაქ თბილისში ჩარგლის ქუჩა №67-ში არსებული რეასართულიანი შენობის დაცვის მომსახურება. შენობის პარამეტრებია:

- ს/კ №01.12.06.002.021
- დაზუსტებული ფართობი: 4135 კვ.მ.
- შენობა-ნაგებობის საერთო ფართობი 9012.54 კვ.მ.

2.2 დაცვის მომსახურება მოიცავს:

- შენობაში ადამიანების შესვლა-გასვლისა და მატერიალურ ფასეულობათა შეტანა-გატანის დადგენილი რეჟიმის დაცვას.
- შენობისა და შენობაში განთავსებული მატერიალური ფასეულობათა დანაშაულებრივი ხელყოფისაგან დაცვას.
- შენობაში საზოგადოებრივი წესრიგის, მათ შორის ადამიანების სიცოცხლისა და ჯანმრთელობის ხელყოფისაგან დაცვას.
- ეზოს ტერიტორიის და ამ ტერიტორიაზე განთავსებული მატერიალური ფასეულობების დაცვა.

2.3 დაცვის მომსახურების გაწევა უნდა მოხდეს ხელშეკრულების გაფორმების შემდეგ, 2017 წლის 01 იანვრიდან 2017 წლის 31 დეკემბრის ჩათვლით. მომსახურება უნდა განხორციელდეს ყოველდღიურად, უწყვეტ რეჟიმში, 24 საათის განმავლობაში.

2.4 მიმწოდებელი პასუხს აგებს დაცვის ობიექტის სრულ დაცულობაზე.

2.5 მიმწოდებელმა უნდა უზრუნველყოს დაცვის მომსახურების გაწევა თავისი თანამშრომლების მეშვეობით ისე, რომ დაცვის ობიექტზე ნებისმიერ დროს იმყოფებოდეს, სულ ცოტა, ერთი მორიგე თანამშრომელი, აღჭურვილი სეზონური უნიფორმით, ფანრით,

რაციით, ხელბორკილით და ხელკეტით. მორიგე თანამშრომელმა, საჭიროების შემთხვევაში, უნდა უზრუნველყოს მიმწოდებლის ვალდებულებების შესრულება ფიზიკური ძალის გამოყენებითაც დამრღვევის მიმართ და მისი დაკავება. იმ შემთხვევაში, თუ მორიგე თანამშრომელი მიიჩნევს, რომ მარტო მისი ფიზიკური ძალა დარღვევის აღსაკვეთად და დამრღვევის დასაკავებლად საკმარისი არაა, მან, პირველ რიგში, უნდა გამოიძახოს დამხმარე ძალა. მიმწოდებელი ვალდებულია დაცვის ობიექტზე მიავლინოს დამხმარე ძალა ისე, რომელიც ობიექტზე უნდა გამოცხადდეს შეტყობინების მიღებიდან არაუგვიანეს 10 წუთისა და იმავდროულად აცნობოს დარღვევის ფაქტის ან მცდელობის შესახებ შესაბამის სამართალდამცავ ორგანოებს. თუ აღკვეთილი დარღვევა წარმოადგენს ქმედებას, რაც გათვალისწინებულია ადმინისტრაციული სამართალდარღვევების ან სისხლის სამართლის კანონმდებლობით, მიმწოდებელი ვალდებულია, დაუყოვნებლივ აცნობოს ამის შესახებ შესაბამის სამართალდამცავ ორგანოებს და შემსყიდველის ადმინისტრაციას.

**2.6** სავალდებულოა სამუშაო დღეებში დაცვის ობიექტს 10:00 სთ-დან 17:00 სთ-მდე იცავდეს არანაკლებ ერთი მორიგე, 17:00 სთ-დან დილის 10:00 სთ-მდე დაცვის ობიექტს უნდა იცავდეს არანაკლებ ორი მორიგე. არასამუშაო დღეებში 24 საათის განმავლობაში დაცვის ობიექტს უნდა იცავდეს არანაკლებ ორი მორიგე.

**2.7** მიმწოდებელმა მომსახურების განხორციელებისას უნდა უზრუნველყოს შესაბამისი გამოცდილებისა და კვალიფიკაციის, მაღალი პასუხისმეზლობის მქონე თანამშრომელთა შერჩევა (წლოვანებით არანაკლებ 21 და არაუმეტეს 50 წლის).

**2.8** მიმწოდებელმა უნდა უზრუნველყოს შენობაში თანამშრომელთა და სხვა ვიზიტორთა უსაფრთხოება დასაცავი ობიექტის ტერიტორიაზე. დასაცავი ობიექტის ტერიტორიაზე უცხო პირთა შესვლა დასაშვებია მხოლოდ შემსყიდველის თანხმობით (საშვი, სიტყვიერი ნებართვა და სხვა).

**2.9** აღნიშნული პირობების შეუსრულებლობის შემთხვევაში, შემსყიდველს უფლება აქვს მოსთხოვოს მიმწოდებელს დაცვის თანამშრომლის შეცვლა, რომელიც თავის მხრივ ვალდებულია შეცვალოს დაცვის თანამშრომელი 5 (ხუთი) სამუშაო დღის განმავლობაში, წინააღმდეგ შემთხვევაში, აღნიშნული ჩაითვლება ხელშეკრულების დარღვევად და შემსყიდველს უფლება ექნება ცალმხრივად შეწყვიტოს ხელშეკრულება.

დანართი № 1

| მომსახურების დასახელება | მომსახურების ვადა                 | მომსახურების ღირებულება (1 თვის) | მომსახურების სრული ღირებულება |
|-------------------------|-----------------------------------|----------------------------------|-------------------------------|
| დაცვის მომსახურება      | 01.01.2017-31.12.2017<br>(12 თვე) |                                  |                               |

დანართი № 2

რეკვიზიტები:

პრეტენდენტის იურიდიული ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული მისამართი:

ბანკის კოდი:

ანგარიშის ნომერი:

დანართი № 3

| № | მომსახურების დასახელება | შემსყიდველი ორგანიზაციის დასახელება | პერიოდი |
|---|-------------------------|-------------------------------------|---------|
|   |                         |                                     |         |
|   |                         |                                     |         |

დამატებითი ინფორმაციის მიღება შესაძლებელია სატენდერო კომისიის აპარატში.

საკონტაქტო პირი: შავლეგო ხუნაშვილი - 577 56 55 88

ელ-ფოსტა: sh.khunashvili@yahoo.com

#### **4. სახელმწიფო შესყიდვის შესახებ ხელშეკრულების პროექტი**

##### **ხელშეკრულება სახელმწიფო შესყიდვის შესახებ № ( გამარტივებული ელექტრონული ტენდერი №)**

ქ. თბილისი

2016 წელი

ქვემოთ ხელისმომწერნი, ერთი მხრივ სსიპ საქართველოს სტანდარტებისა და მეტროლოგიის ეროვნული სააგენტო, წარმოდგენილი გენერალური დირექტორის დავით ტყემალაძის სახით (შემდგომში „შემსყიდველი“) და მეორეს მხრივ წარმოდგენილი დირექტორის სახით (შემდგომში „მიმწოდებელი“), ვდებთ წინამდებარე ხელშეკრულებას შემდეგზე:

##### **1. ხელშეკრულებაში გამოყენებულ ტერმინთა განმარტებები**

- 1.1. „ხელშეკრულება სახელმწიფო შესყიდვის შესახებ“ – (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს მომსახურების გაწევას ხელშეკრულების ფარგლებში.
- 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც თანდართულია ხელშეკრულებაზე და წარმოადგენს მის განუყოფელ ნაწილს.

##### **2. შესყიდვის ობიექტი**

2.1. სსიპ საქართველოს სტანდარტებისა და მეტროლოგიის ეროვნულ სააგენტოს 2016 წლის საკუთარი შემოსავლების ფარგლებში დაცვის მომსახურების შესყიდვა ფასების ცხრილის (დანართი №1), ტექნიკური დავალებისა და სატენდერო დოკუმენტაციით განსაზღვრული სხვა პირობების შესაბამისად (CPV-79713000).

##### **3. ხელშეკრულების ჯამური ღირებულება**

- 3.1 ხელშეკრულების ღირებულებაა **000.00 ( )** ლარი.
- 3.2 ხელშეკრულების ღირებულება შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს მომსახურების გაწევასთან.

#### **4. მხარეთა უფლება-მოვალეობები**

##### **4.1 მიმწოდებელი ვალდებულია:**

- ა) მომსახურება განახორციელოს წინამდებარე ხელშეკრულების 5.1 პუნქტით განსაზღვრულ ვადაში.
- ბ) გააფრთხილოს შემსყიდველი მომსახურების გაწევასთან დაკავშირებული შემაფერხებელი გარემოებ(ებ)ის თაობაზე;
- გ) დაიცვას ხელშეკრულებით გათვალისწინებული ყველა პირობა.

##### **4.2 მიმწოდებელი უფლებამოსილია:**

- ა) მოითხოვოს შემსყიდველისაგან ხელშეკრულებით ნაკისრი ვალდებულებების შესრულება.

##### **4.3 შემსყიდველი ვალდებულია:**

- ა) მოახდინოს ანგარიშსწორება ხელშეკრულებით გათვალისწინებული პირობების შესაბამისად;
- ბ) დაიცვას ხელშეკრულებით გათვალისწინებული სხვა პირობები;

##### **4.4 შემსყიდველი უფლებამოსილია:**

- ა) შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან;
- ბ) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
- გ) უარი თქვას ხელშეკრულებით გათვალისწინებულ მოთხოვნებთან შეუსაბამო მომსახურების მიღებაზე;
- დ) მიმწოდებლის მიერ ხელშეკრულებით გათვალისწინებული პირობების დარღვევის შემთხვევაში მისცეს მას მითითება ვალდებულებების დარღვევის გამოსწორების შესახებ ან შეწყვიტოს (არ განახორციელოს) მიმწოდებლის დაფინანსება.

#### **5. მომსახურების გაწევის ადგილი და ვადა**

5.1. მომსახურება უნდა განხორციელდეს ხელშეკრულების ძალაში შესვლიდან 2017 წლის 31 დეკემბრის ჩათვლით.

5.2. მომსახურების გაწევის ადგილი: ქ. თბილისი, ჩარგლის ქ. №67.

#### **6. შესყიდვის ობიექტის ხარისხი და გარანტია**

6.1. მიმწოდებელი ვალდებულია შემსყიდველს გადასცეს წინამდებარე ხელშეკრულებით გათვალისწინებულ მოთხოვნებთან შესაბამისი შესყიდვის ობიექტი.

6.2. შესყიდვის ობიექტი სრულად უნდა შეესაბამებოდეს წინამდებარე ხელშეკრულებით გათვალისწინებულ მოთხოვნებს.

6.3. შემსყიდველი ვალდებულია წერილობითი ფორმით დაუყოვნებლივ აცნობოს მიმწოდებელს ნაკლის აღმოჩენის შესახებ.

6.4. შეტყობინების მიღების შემდეგ მიმწოდებელი ვალდებულია შემსყიდველის მიერ მითითებულ ვადაში აღმოფხვრას არსებული დეფექტები საკუთარი ხარჯით და ასევე უზრუნველყოს აღნიშნული დეფექტების შედეგად შემსყიდველისა და მესამე პირებისათვის მიყენებული ზიანის ანაზღაურება.

## **7. ხელშეკრულების მოქმედების ვადა**

7.1 წინამდებარე ხელშეკრულება ძალაში შედის 2017 წლის 01 იანვრიდან და მოქმედებს 2018 წლის 31 იანვრის ჩათვლით.

## **8. მომსახურების მიღება-ჩაბარების წესი**

8.1 შემსყიდველი უფლებამოსილია ჩაატაროს გაწეული მომსახურების ინსპექტირება, რისთვისაც გამოყოფს უფლებამოსილ პირს: , რომელიც უფლებამოსილია ჩაატაროს ხელშეკრულების პირობების შესრულების ინსპექტირება.

8.2 წინამდებარე ხელშეკრულებით გათვალისწინებული მომსახურების გაწევის დადასტურების მიზნით, შემსყიდველსა და მიმწოდებელს შორის ფორმდება მიღება-ჩაბარების აქტი.

8.3 მომსახურება გაწეულად ჩაითვლება მხოლოდ მხარეებს შორის მიღება-ჩაბარების აქტის გაფორმების შემდეგ.

8.4 მიმწოდებელი ვალდებულია შემსყიდველის მხრიდან მოთხოვნილი უნაკლო მომსახურების გაწევის დადასტურებისა და ანაზღაურების მიღების მიზნით შემსყიდველს წარმოუდგინოს შესაბამისი ფინანსური დოკუმენტაცია. ანგარიშსწორების სავალდებულო წინაპირობა მიღება-ჩაბარების აქტთან ერთად არის ანგარიშ-ფაქტურა.

8.5 შემსყიდველის მხრიდან მიღება-ჩაბარების აქტზე ხელმოწერის უფლებამოსილება ენიჭება

## **9. ანგარიშსწორების წესი**

9.1 გაწეული მომსახურების ღირებულების ანაზღაურება განხორციელდება წინამდებარე ხელშეკრულების 8.4 პუნქტით გათვალისწინებული დოკუმენტაციის წარმოდგენიდან 10 სამუშაო დღის განმავლობაში.

9.2 ანგარიშსწორების ვალუტა: ლარი;

9.3 ანგარიშსწორების ფორმა: უნაღდო.

## **10. პასუხისმგებლობა ხელშეკრულების პირობების დარღვევისათვის**

10.1. ხელშეკრულებით ნაკისრი ვალდებულებების შეუსრულებლობა გამოიწვევს პასუხისმგებლობას მოქმედი კანონმდებლობით დადგენილი წესით.

10.2. ერთ-ერთი მხარის მიერ ხელშეკრულებით ნაკისრი ვალდებულებების დარღვევისას, მეორე მხარეს შეუძლია ხელშეკრულებიდან გასვლა, ვალდებულების შესრულებისათვის წერილობით ფორმით დამატებით განსაზღვრული ვადის უშედეგოდ გასვლის შემდეგ. თუ ვალდებულების ხასიათიდან შეუძლებელია დამატებითი ვადის გამოყენება, გაფრთხილება უთანაბრდება ვადის განსაზღვრას.

10.3. წინამდებარე ხელშეკრულების 10.2. პუნქტით განსაზღვრულ შემთხვევაში მხარეს შეუძლია მოითხოვოს ხელშეკრულებით ნაკისრი ვალდებულებების შეუსრულებლობით მიყენებული ზიანის ანაზღაურება.

10.4. ხელშეკრულებიდან გასვლისა და ზიანის ანაზღაურების რეგულირებისათვის გამოიყენება საქართველოს სამოქალაქო კოდექსის ნორმები.

10.5. შემსყიდველი უფლებამოსილია მიმწოდებლის მიერ ხელშეკრულების პირობების შეუსრულებლობის ან/და არაჯეროვანი შესრულების შემთხვევაში მიმწოდებელს დააკისროს სანქციის სახით ჯარიმა ხელშეკრულების ღირებულების 10 %-ის ოდენობით.

10.6. არაჯეროვნად შესრულებას წარმოადგენს ხელშეკრულებით გათვალისწინებულ მოთხოვნებთან შეუსაბამო მომსახურების გაწევა. ამასთან, არაჯეროვნად გაწეულად მიიჩნევა ნებისმიერი ვალდებულების შეუსრულებლობა, რომელიც ნაკისრი აქვს მიმწოდებელს წინამდებარე ხელშეკრულებით, გარდა 10.7 პუნქტით განსაზღვრული შემთხვევისა.

10.7. შემსყიდველი უფლებამოსილია მომსახურების გაწევის ვადის გადაცილების შემთხვევაში დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,1%-ის ოდენობით.

10.8. მიმწოდებელი უფლებამოსილია შემსყიდველის მხრიდან ანაზღაურების ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების 0,1%-ის ოდენობით.

### **11. ფორს-მაჟორი**

11.1. მხარეები არ არიან პასუხისმგებელნი ვალდებულებების სრულ ან ნაწილობრივ შეუსრულებლობაზე, თუ იგი გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა ან სხვა სტიქიური მოვლენა, ასევე ომი და სამარი მოქმედებებით, თუ აღნიშნული უშუალოდ მოქმედებას ახდენს ხელშეკრულების შესრულებაზე. აღნიშნულ შემთხვევაში, ხელშეკრულების შესრულების ვადა გადაიწევს შესაბამისი დროით, ფორს-მაჟორულ გარემოებათა დასრულების შემდგომ.

11.2. თუ ხელშეკრულების პირობების სრული ან ნაწილობრივი შეუსრულებლობის გამომწვევი პირობები გაგრძელდა ერთ თვეზე მეტ ხანს, მხარეებს უფლება აქვთ შეწყვიტონ ხელშეკრულება, კომპენსაციის მოთხოვნის უფლების გარეშე.

11.3. მხარე, რომელსაც შეექმნა ფორს-მაჟორული გარემოება, დაუყოვნებლივ წერილობით აცნობებს ამის შესახებ მეორე მხარეს.

### **12. დავები და მათი გადაწყვეტის წესი**

12.1 მხარეთა შორის წამოჭრილი ნებისმიერი დავა ან აზრთა სხვადასხვაობა გადაწყდება მხარეთა მოლაპარაკების გზით.

12.2 თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს უფლება აქვს დავის გადაწყვეტის მიზნით საქართველოს კანონმდებლობით დადგენილი წესით მიმართოს სასამართლოს.

### **13. სხვა პირობები**

13.1. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც შედგება წერილობითი ფორმით და ხელმოწერილი იქნება მხარეთა მიერ.

13.2. ხელშეკრულების ყველა დანართი, ცვლილება და დამატება, რომელიც ხელმოწერილია მხარეთა უფლებამოსილი წარმომადგენლების მიერ ითვლება ხელშეკრულების განუყოფელ ნაწილად და სავალდებულოა შესასრულებლად.

13.3. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.4. მესამე პირებთან ურთიერთობებში მხარეები მოქმედებენ საკუთარი სახელით, ხარჯითა და

რისკით.

13.5. მხარეები პასუხისმგებელნი არიან მათ მიერ ხელშეკრულებაში მითითებული რეკვიზიტების სისწორეზე და მათი ცვლილების თაობაზე ვალდებულნი არიან წერილობით აცნობონ მეორე მხარეს.

13.6. ხელშეკრულება შედგენილია ქართულ ენაზე, თანაბარი ძალის მქონე ორ ეგზემპლარად და ინახება მხარეებთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

#### 14. მხარეთა იურიდიული მისამართი და რეკვიზიტები

##### შემსყიდველი

სსიპ საქართველოს სტანდარტებისა და

მეტროლოგიის ეროვნული სააგენტო

მისამართი: თბილისი, ჩარგლის ქ. №67

ტელ: 2613500

საიდენტიფიკაციო ნომერი: 200162224

სახელმწიფო ხაზინა;

კოდი TRESGE22;

ანგარიშის ნომერი: 707177053

შემსყიდველის მხრიდან

გენერალური დირექტორი

დავით ტყემალაძე

##### მიმწოდებელი

მიმწოდებლის მხრიდან

დირექტორი

**შენიშვნა:** წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.